

Guangjsih Minzcuz Bau

ganhhau: CN45-0036 B.2014 Nd.8 Ng.13 liggaueq gyapngux nienz ndwen caet cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3136期

Cungzcoj Si Fanhoiz Nem Ingjguh Bouh Denyingj Vahcuengh Daih'it Sat Gvaq

崇左市首部壮语电影译制完成

Geij ngoenz gonq, gij hong fanhoiz nem ingjguh bouh denyingj 《Denhginz》 gaenq sat lo, dangqna j cingq ceng' aeu haeuj ndaw guekgya susw cezmuz guenlleix bingzdaiz bae, yiengq daengx guek fathengz. Bouh denyingj neix dwg aen si neix bouh denyingj Vahcuengh daih'it.

Bouh denyingj 《Denhginz》 neix aeu cit goj riuz youq ranghdieg Dahcojgyangh gvendaengz Bouxcuengh gvaq saedcej nem guhyoux de guh beigingj(gizdieg nem gingj-

saek ndaw denyingj), dwg bouh denyingj guhyoux gingjsaek yinhyoz ndeu. Vih ingjguh bouh denyingj neix, bouxingjguh de youq Lungz-couh Yen aeu gingj, dawz gij yisuz dijbauj Bouxcuengh-denhginz coq haeuj ndaw denyingj bae, gig caensaed dwk baijok gij yienghsiengq maenhndei vwnzva Bouxcuengh nem vwnzva lijyouz, vunzlai gig gyaemaij. Vihliux engqgya caensaed, nemgyawj dwk yienh'ok gij funghcingz Bouxc-

cuengh ranghdieg Dahcojgyangh, ciuq yiengh dauqfuk baijok gij yienghsiengq ndaw denyingj bonjmiz de, hawj engq lai vunz Bouxcuengh ndaej itit ngeihngeih dwk ngonzyawj denyingj, Cungzcoj Si Minzvej, Minzyijvej daj bineix 5 nyied hainduj cujiz dangdieg doenghboux guh hong boiqyaem fanhoiz ingjguh de, boiq yaem Vahcuengh Lungzcouh coq ndaw denyingj.

(Dwng Haijcouh/邓海周)

SIUSIK DINJ

简讯

● 8 nyied 8 hauh, Sanhgyangh Duncuz Swciyen Gujyiz Cin Majbingz Cunh Mbanlijgyah diuz roenzsuijiz doeng mbanj raez 3 goengleix de guh sat lo. Ciuq cam rox, gaenh sam bi daeuj, aen mbanj neix gungh comz ndaej 45 fanh maenz ngaenz guh caizcwng "it saeh it yaeng" ciengjbouj hanghmoeg, comz vunzlai guh hanghmoeg, gajgez le vunzlai byaij roen hoj vwndiz.

(Gungh Bujganh)

● Daj bineix daeuj, Nazboh Yen gungh saedhengz "it saeh it yaeng" caizcwng ciengjbouj hanghmoeg 46 aen, guh doh daengx yienh 9 aen yanghcin, hawj 5.56 fanh saujsu minzcuz souh'ik, gungh roengz-ngaenz 429 fanh maenz, ndaej gij cienzngaenz cunghyangh, swcigih gaep ciengjbouj de 322 fanh maenz.

(Vangz Bizvaz Vangz Hungzan)

● Daj gaihcanj dangj raeuz ginzcung lusen gyauiyuz sizcen hozdung daeuj, Lungzcouh Yen gij gwzming gingjih baugvat Gizdieg Gaeuq Hungzbazginh Ginhbu, Aen Gvanj Byaijok Huz Cimingz, Siujlenzcwngz, Sanglungz Yangh "caiq byaij roen Hungzginh" daengj ciep hekyouz 18 fanh doxhwnj.

(Lij Dinghminz Yangz Liu)

● Geij bi neix, Swhyenz Yen Cehdenz Myauzcuz Yangh haenq-rengz fazcanj lwggwz canjyez. Bineix, aen yangh neix gungh cingj ndaw yienh nungzyezgiz doengboux gisuz guzgan daeuj beizyin 12 baez, book gij yingiben ciendaiz gisuz gyauiyuz de 6 baez, fat dan senhconz 1500 lai faenh, beizyin doh daengx yangh 12 aen cunh.

(Cauz Mingzvej)

● Ceiqgaenh, Gvangjsih Vaz-lanz Sezgiyen doenghboux lauxhangz 4 boux daengz Dava Yauzcuz Swciyen Banjswngn Yangh Lungliz Cunh Mbanjlungliz guh hong cazyawj baenzlawz coihguh mbanj Yauzcuz, caemhcai guh ok fangh'an. Aen fangh'an neix dajsuenq coihguh ranz 20 aen, roengzngaenz 20 fanh, youz Swcigih Gensezdingh cigsoh bued cienz.

(Vangz Vwnzboh)

Yungzsuij: Vunzlai Mbanjcuengh Angq Gvaq "Caet Cibngux"

融水: 壮乡群众欢度“中元节”



8 nyied 10 hauh, liggaueq caet nyied cibngux, Yungzsuij Myauzcuz Swciyen Vanghdung Yangh Liuhoz Cunh gawj-banh hozdung angq gvaq ciet "caet cibngux". Geij bak boux vunz Bouxcuengh doxcomz daeuj henz Dah-beigyangh, camgya suek faengx, ndaw raemx bengcag, gaeb bit daengj hozdung. Ndaw doz dwg geij boux dahsau Bouxcuengh youq ndaw raemx doxdax suek faengx.

(Lungz Linzci/龙林智 ingi)

Lingzyinz: Bineix Mbawien Canjciz Gyawj 2000 Fanh Maenz

凌云: 今年烟叶产值近 2000 万元

7 nyied 25 hauh, Lingzyinz Yen Ya'gyaz Yangh bineix hai caengh sou cawx mbawien lo. Neix couhdwg naeuz aen yienh neix bineix 10018 moux mbawien dajsou cingqsik haigoeng lo.

Ciuq cam rox, bineix aen yienh neix Yihungz, Lozlouz, Gyahyouz daengj daengx yienh 7 aen yanghcin ndaem miz 10018 moux ien, daengz 7 nyied 21 hauh daengx yienh gaenq gangq mbawien 2000 yiu, gaenq

gangq ok mbawien daihgaiq miz 15359 rap, ien ndei ciemq dingz lai. Guj ndaej gai iensauj 1.65 fanh rap, canjciz 2000 fanh maenz.

(Vangz Yenzzyungz/黄元荣 Bi Yizswngn/闭遗升)